

ՆԱԽԱԴՊՐՈՑԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅԱՆ  
ՍԱՆԿԱՎԱՐԺԱԿԱՆ ԱՇԽԱՏՈՂՆԵՐԻ ՎԵՐԱՊԱՏՐԱՍՏՈՒՄ

## ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ ՍԱՆԿԱՎԱՐԺԱԿԱՆ ԱՇԽԱՏՈՂԻ ՀԱՄԱԳՈՐԾԱԿՑՈՒԹՅՈՒՆԸ  
ՍԱՆԵՐԻ ԾՆՈՂՆԵՐԻ (ՆՐԱՆՑ ՕՐԻՆԱԿԱՆ ՆԵՐԿԱՅԱՑՈՒՑԻՉՆԵՐԻ)  
ՀԵՏ՝ ՍԱՆԵՐԻ ԿՐԹԱԿԱՆ ԱՇԽԱՏԱՆՔՆԵՐԻ ԿԱԶՄԱԿԵՐՊՄԱՆ և  
ԸՆՏԱՆԵԿԱՆ ԴԱՍՏԻԱՐԱԿՈՒԹՅԱՆ ՀԱՐՑԵՐՈՒՄ

Վերապատրաստվող՝ Լուսինե Անանյան Արտուշի

Արարատի մարզ , Վերին Արտաշատի «Լուսնթագ» մանկապարտեզ

Վերապատրաստող՝ Ղազարյան Արմենուհի

## ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ ..... 3

ՏԵՍԱԿԱՆ ՄԱՍ

### ԳԼՈՒԽ 1.

1.1 Ընտանիք – մանկապարտեզ համագործակցության զարգացումը  
մանկավարժության պատմության մեջ ..... 6

1.2 Ընտանիք – մանկապարտեզ համագործակցության և հաղորդակցման  
ժամանակակից ձևերը ..... 9

ԳՈՐԾՆԱԿԱՆ ՄԱՍ

ԳԼՈՒԽ 2. ԾՆՈՂԱԿԱՆ ԿՐԹՈՒԹՅԱՆ ԿԱԶՄԱԿԵՐՊՈՒՄԸ  
ՄԱՆԿԱՊԱՐՏԵԶՈՒՄ ..... 14

ԵԶՐԱԿԱՑՈՒԹՅՈՒՆ ..... 19

ԳՐԱԿԱՆՈՒԹՅԱՆ ՑԱՆԿ ..... 20

## ՆԵՐԱԾՈՒԹՅՈՒՆ

Թեմայի արդիականությունը. Ներկա ժամանակաշրջանում նախադպրոցական հաստատությունների և ընտանիքի համագործակցության բացակայության, ծնողների անհետևողականության արդյունքում թերի է մնում երեխաների համակողմանի զարգացումը: Նախադպրոցական տարիքի երեխաների ներդաշնակ զարգացման գործընթացում առանձնահատուկ կարևորվում է ընտանիքի և նախադպրոցական կրթական հաստատության հաջորդական և փոխապայմանավորված մանկավարժական ներգործությունը: Երեխայի դաստիարակությունը սկսվում է ընտանիքում: Ընտանիքը սոցիալականացման առաջին օղակն է, ուր սկիզբ է առնում երեխայի սոցիալական էությունը: Ընտանիքը այն կայուն սոցիալական օղակն է, որն ուղեկցում և առաջնորդում է երեխային իր ողջ կյանքի ընթացքում: Նախադպրոցական կրթօջախների հիմնական մանկավարժական գործառույթը երեխայի դաստիարակության կազմակերպումն է հասակակիցների միջավայրում, նախադպրոցահասակ երեխաների հասարակական կյանքի համար անհրաժեշտ պայմանների ապահովումը: Մանկապարտեզում երեխան սկսում է հաղորդակցվել և համագործակցել, որոշումներ կայացնել, համադրելով սեփական ցանկություններն ու կարծիքը ընկերների ցանկությունների և կարծիքի հետ: Մանկավարժական ընդհանուր գործընթացի արդյունավետության երաշխիքը համագործակցության համար «բաց» կրթական հաստատություններն են: Կարևոր է ծնողների և ընտանիքի մյուս անդամների ակտիվ ներգրավումը մանկավարժական գործընթացին: Յուրաքանչյուր ծնող պետք է գիտակցի իր ակտիվ մասնակցության անհրաժեշտությունը երեխայի դաստիարակության գործընթացին, հանդես գա մանկավարժի օգնականի և աջակցի դերում, հրաժարվելով պահանջատիրոջ կարգավիճակից:

Նախադպրոցական մանկավարժության արդի խնդիրներից է ընտանիքի և մանկապարտեզի համագործակցության խթանումը: Մակայն, այսօր առկա են որոշակի հակասություններ, որոնք խաթարում են այդ համագործակցության ընթացքը, մասնավորապես.

- ✓ ծնողական կրթության կազմակերպման գործընթաց չի կիրառվում կամ կիրառվում է մասամբ,
- ✓ այդ ուղղությամբ տարվում է ոչ համարժեք մանկավարժական աշխատանք, ծ
- ✓ առկա են ծնողների հետ համագործակցության բազմաթիվ մեթոդներ, շփման ձևեր, սակայն չունեն կիրառություն:

Նշված հակասությունների շտկման անհրաժեշտությամբ է պայմանավորված տվյալ թեմայի ընտրությունը:

Հետազոտության նպատակը: Հիմնավորելով ծնողների և մանկապարտեզի պասիվ համագործակցությունը, մշակել ծնողների և նախադպրոցական ուսումնական հաստատության համագործակցության միջոցներ, գտնել ուղիներ:

Հետազոտության խնդիրները

1. Ուսումնասիրել և գնահատել ծնողների և մանկապարտեզի միջև գոյություն ունեցող համագործակցության ձևերը:
2. Ծանոթացնել ծնողներին մանկապարտեզում իրականացվող մանկավարժական գործընթացի առանձնահատկություններին, նախադպրոցական դաստիարակության և զարգացման ժամանակակից մոտեցումներին:
3. Ապահովել յուրաքանչյուր ծնողի ակտիվ մասնակցությունը մանկապարտեզի մանկավարժական գործընթացին:
4. Կազմակերպել աշխատանք ծնողների մանկավարժական գիտելիքների բավարարման ուղղությամբ:

Հետազոտության խնդիրների իրականացման նպատակով կիրառվել են հետևյալ մեթոդները.

զրույցի, անկետավորման , դիտման, զննման:

Հետազոտության կառուցվածքը. Հետազոտական աշխատանքը կազմված է ներածությունից, երկու գլուխներից, եզրակացությունից, գրականության ցանկից, համակարգչային շարվածքով կազմում է 20 էջ:

## ԳԼՈՒԽ 1

### 1.1 Ընտանիք–մանկապարտեզ համագործակցության զարգացումը մանկավարժության պատմության մեջ

Դարեր շարունակ երեխաների դաստիարակությունը իրականացվել է ընտանիքում և ուսումնական հաստատություններում: Բայց ահա 18-րդ դարում ընտանեկան դաստիարակության առնչությամբ հանդես եկան երեք ուղղություններ: Առաջին ուղղության կարկառուն ներկայացուցիչն էր Հ. Պեստալոցին: Նա հայրական տունը համարում էր բնական դաստիարակության հիմքը, գտնում էր, որ «մարդկանց ընտանեկան հարաբերություններն առավել բնական հարաբերություններ են և դաստիարակությունը՝ նույնպես»: Սակայն նա չէր ժխտում ուսումնական հաստատությունների դերը: Երկրորդ ուղղության ներկայացուցիչը անգլիացի ուտոպիստ սոցիալիստ Ռ. Օուենն էր: Նա բացասական կարծիք ուներ ընտանեկան դաստիարակության մասին: Այն համոզմանն էր որ ընտանեկան հարաբերությունները, երեսպաշտությունը բարոյապես այլանդակում է մարդկանց: Օուենը ընտանիքը համարում էր էգոիզմի և երեսպաշտության բույն: Նա կողմ էր դաստիարակության պետական համակարգին, որի միջոցով, ասում էր Օուենը, բոլոր երեխաները կստանան միատեսակ կրթություն և դաստիարակություն: Նա այն կաճիքին էր, որ համակողմանի դաստիարակություն կարելի է ստանալ միայն պետական, հասարակական ուսումնական հաստատությունների ընձեռած հնարավորություններով:

Նոր ժամանակներում մեծ մտածողները, մանկավարժներն ու հոգեբանները պահանջեցին դաստիարակության բնագավառում ապահովել ընտանեկան, պետական և հասարակական ուսումնական հաստատությունների դաստիարակության կապը: Եվ ահա հանդես եկավ նաև երրորդ ուղղությունը, որի

ներկայացուցիչները միակարծիք են և իրար չեն հակադրվում: Ա.Ս. Մակարենկոն ասում էր՝ «Ես գրեթե չեմ լսել, որ ծնողներն ասեն «Մենք պետք է դաստիարակենք, ինչու՞ է մանկապարտեզը խանգարում»: Եվ չեմ էլ լսել, որ մանկավարժն ասի «Մանկապարտեզը պետք է դաստիարակի, ինչու՞ է ընտանիքը խանգարում»: Ուրեմն եզրակացությունն այն է, որ երեխաների դաստիարակությունն իրականացվում է մանկապարտեզի և ընտանիքի համատեղ ջանքերով:

Այնուամենայնիվ, ընտանիքի՝ երեխաների դաստիարակության գործում ունեցած կարևոր դերն անժխտելի է: Ընտանիքը հասարակության առաջին սոցիալական օղակն է, ուր դրվում են երեխայի անձնավորության հիմքերը և կառուցվում է նրա սոցիալական կերպարը: « Ընտանիքը երեխայի մթնոլորտն է, նրա մեջ աճում և զարգանում են երեխայի մտավոր ուժերը, նրա նրա հոգեկան զորությունները և բարոյական հատկությունները, բոլորն այն չափով, ինչ չափով նպաստում է դրան գերդաստանի կրթողական ազդեցությունը և այն ձևով, ինչ կերպարանք է տալիս նրան դաստիարակող ոգին » /Բաֆֆի /: Յ. Ա. Կոմենսկին նշում էր, որ « մայրիկի դասերը չունեն դասամիջոցներ, հանգստյան օրեր, արձակուրդ»: Վերջապես «երեխան ընտանիքի հայելին է» սահմանում դարձած արտահայտությունն լիովին նկարագրում է և կարևորում ընտանիքի անփոխարինելի դերը երեխայի զարգացման և նրա անձնավորության ձևավորման գործում: Ընտանիքը այն կայուն սոցիալական օղակն է, որն ուղեկցում և առաջնորդում է երեխային իր ողջ կյանքում:

Մանկապարտեզը և այլ նախադպրոցական կրթական հաստատություններ կոչված են իրականացնելու նախադպրոցական տարիքի երեխաների հասարակական դաստիարակությունը: Մանկապարտեզում է երեխան սկսում հաղորդակցվել և համագործակցել, որոշումներ կայացնել, համադրելով սեփական ցանկություններն ու կարծիքը ընկերների ցանկությունների և կարծիքի հետ:

19-րդ դարի 70-ական թվականներին հայ իրականության մեջ ակտիվանում է նախադպրոցական դաստիարակության խնդիրը: Հանդես են գալիս եվրոպական

կրթությամբ նախադպրոցական կրթության մասնագետներ, որոնք դառնում են մանկապարտեզային գործի առաջատարներ: Դրանցից մեկն էր Սոֆյա Բաբայանը: 1882 թվականին Թիֆլիսում Սոֆյա Բաբայանը բացեց առաջին հայկական մանկապարտեզը: Նա նշում էր, որ «մանկան առաջին հասարակական միջավայրը ընտանիքն է: Այստեղ է սկզբնավորվում նրա բազմակողմանի զարգացումը: Ծնողները պետք է հոգ տանեն հայ ազգի պահպանման և մայրենի լեզվի յուրացման համար: Սկսած երեք տարեկանից անհրաժեշտ է կազմակերպել հասարակական դաստիարակություն: Մանկապարտեզը 3-7 տարեկան երեխաների կրթության, դաստիարակության այն օջախն է, որը ոչ միայն նրանց ազատում է պարապությունից, չար ազդեցությունից, այլև դառնում հաճելի ժամանցի վայր մեծապես զարկ տալիս երեխաների ֆիզիկական, մտավոր ու բարոյական զարգացմանը»:

Սոֆյա Արղությանը իր արժանավոր տեղն ունի 19-րդ դարի երկրորդ կեսի հասարակական հախուռն շարժման և առաջավոր գաղափարներով լեցուն հայ անվանի կանանց շարքում: Սոֆյա Արղությանի հասարակական ու մանկավարժական կեսդարյա գործունեությունը սերտորեն կապված է հայ ժողովրդի մշակույթի , մանկավարժական մտքի զարգացման հետ: Երեխայի կրթությունն ու դաստիարակությունը պետք է սկսել վաղ տարիքից, և քանի որ ոչ բոլոր մայրերն են պատրաստ այդ գործին, ուստի, այն պետք է կազմակերպել մանկական պարտեզներում: Անգետ ու վատառողջ զավակներ չունենալու համար իմաստուն մանկավարժները հնարել են մանկան պարտեզ, - գրում է Ռ. Պատկանյանը, - ուր երեխան շատ կանուխ և համարյա խաղով ու զբոսանքով կսովորի այն, ինչ ուրիշ հանգամանքների մեջ նա պիտի սովորեր առավել տարեց հասակի մեջ, անտանելի դժվարություններ կրելով և միանգամայա ժամանակ սպառելով բոլոր մտավոր և մարմնավոր ուժը: Մանկական պարտեզը ամենալուսավորյալ ազգերը համարել են միակ կանոնավոր դաստիարակության և հիմնավոր նախապատրաստություն դեպի կրթություն և լուսավորություն , - այսպես է գնահատում Ռ. Պատկանյանը :



- ✓ Մանկական պարտեզը , - ինչպես գրում է Սոֆյա Արդությանը , - կրթության հաստատություն է 3 – 7 տարեկան փոքրիկների համար՝ առանց խտրության, դասակարգի , կրոնի և սեռի:

Մանկավարժական գործունեության ընթացքում ծնողները հաճախ էին Արդությանին խնդրում օգնել իրենց երեխաների դաստիարակության գործում: Արդությանը բազմիցս է այցելել Գերմանիա, Ֆրանսիա, Բելգիա, Ավստրիա, Դանիա, Շվեդիա հանդիպել առաջավոր մանկավարժներին, ծանոթացել նրանց դաստիարակության համակարգին: Հիացել է Էլիոնորա Հերվարդի գործունեությամբ, ում շնորհիվ Ֆրեդրեկի ուսմունքը տարածվեց ամբողջ աշխարհում: Այնուհետև Փարիզում, ցուցահանդեսի ժամանակ ծանոթանում է Մոնտեսսորու աշակերտուհու հետ , որը չէր հրաժարվում իր ուսուցչի դիդակտիկ նյութերից: Նա Արդությանին է նվիրում Մոնտեսսորու գիրքը՝ իտալերեն լեզվով: Ըստ Արդությանի Ֆրեդրեկն ու Մոնտեսսորին լրացնում են միմյանց, ճիշտ չեն նրանք, ովքեր կիրառում են բացառապես որևէ մեկի համակարգը:

1905 թվականին Թիֆլիսում լույս է տեսնում Արդությանի գիրքը «մանկական պարտեզ» վերնագրով, մայրերի և դաստիարակչուհիների համար, նոտաներով և նկարներով : Գրքում ամենայն խորությամբ ու իմացությամբ տրված ու մեկնաբանված են նախադպրոցական դաստիարակության հրատապ ու առաջնային տեսական ու գործնական հարցերը: Ֆրեդրեկավրոպական մտածելակերպով, բայց, որ ամենակարևորն է , տեղային – ազգային մտածելակերպով:

## 1. 2 **Ընտանիք – մանկապարտեզ համագործակցության և հաղորդակցման ժամանակակից մոտեցումները**

Երեխաների դաստիարակության, առողջության պահպանումը անհնար է պատկերացնել առանց ընտանիքի: Ընտանիքում է դրվում երեխայի վաղ զարգացման հիմքերը: Ծնողներն են, որ առաջին անգամ երեխային սովորեցնում են կյանքի այբուբենը, ձևավորում նրանց աշխարհընկալումը, բնավորության գծերը: Նախադպրոցական կրթությունն աջակցում է ընտանիքին՝ իրականացնելու

համակարգված երեխայակենտրոն կրթություն: Ծնողների՝ մանկապարտեզի մանկավարժական աշխատանքներին ակտիվ մասնակցությունից շահում են մանկապարտեզի մանկավարժական գործընթացի բոլոր սուբյեկտները: Ծնողների ներկայությունը մանկապարտեզում վստահություն է ներշնչում երեխային և կրկնապատկում նրա սովորելու և աշխարհը ճանաչելու ցանկությունը: Ծնողներն իրենց հերթին ձեռք են բերում չափազանց կարևոր մանկավարժական գիտելիքներ և կարողանում են գնահատել մանկավարժի ծանրագույն աշխատանքը: Մանկապարտեզի և ընտանիքի փոխադարձ կապի ձևերը պարբերաբար վերանայվում և լրամշակվում են: Համագործակցության ավանդական դարձած ձևերին ավելանում են ժամանակակից եղանակներ, որոնք բխում են հասարակության նախադպրոցական կրթությանը ներկայացվող այսօրվա պահանջներից : Ամենաավանդական ձևը մանկավարժի պարբերական այցելություններն են երեխաների ընտանիքներ: Մանկավարժի հաճախակի այցելությունները հնարավորություն են տալիս ուսումնասիրելու երեխային տան պայմաններում, ծանոթանալու ընտանիքի բոլոր անդամներին և կենսական պայմաններին: Ավանդական ձևերից են ծնողական ժողովները , բաց դռների օրը, կոնսուլտացիաները և հատուկ կազմակերպվող գիտական կոնֆերանսները ծնողներին հուզող թեմաների շուրջ:Գոյություն ունեն ծնողների հետ հաղորդակցման պաշտոնական և ոչ պաշտոնական շփման ձևեր :

### **Ոչ պաշտոնական շփման ձևեր**

#### **Երեխաներին մանկապարտեզ բերելն ու տանելը**

Աշխատող ծնողները հաճախ չեն ունենում երեխաներին տրամադրելու բավականաչափ ժամանակ : Նման դեպքերում տան և կրթարանի միջև անհրաժեշտ հաղորդակցման հաստատումը հնարավոր է դառնում բնական , ոչ պաշտոնական առիթների օգտագործման շնորհիվ:

#### **Երկտողներ և նմուշների թերթիկներ**

Երեխաների հետ տուն ուղարկվող հակիրճ , ոչ պաշտոնական երկտողը նպաստում է ընտանիքի և դաստիարակի միջև հաղորդակցման հաստատմանը : Նման երկտողները պետք է անդրադառնան երեխայի հերթական հաջողությանը , հմտության ձեռքբերմանը կամ վարքագծին : Դրանք կարող են արտահայտել նաև երախտիքի խոսքեր՝ ծնողի կողմից ծրագրին որևէ աջակցություն ցուցաբերելու կապակցությամբ:

### Ցուցատախտակներ

Ցուցատախտակները ընտանիքների հետ հաղորդակցվելու մեկ այլ եղանակ է: Դրանց վրա փակցված ինֆորմացիան կարող է ուղղակիորեն հղված լինել ծնողներին, ներառել գալիք ժողովների և ծնողական հանդիպումների մասին հիշեցումներ, թռուցիկներ երեխայի զարգացման, սովելու կամ այլ կարևոր հարցերի վերաբերյալ: Ցուցատախտակները պարզաբանում են նաև այն գործունեությունը , որը երեխաներն իրականացնում են կրթարանում: Այստեղ կարելի է տեսնել երեխաների ստեղծագործությունները , կատարած ուղևորությունները նկարագրող ակնարկները, երեխաների ընտանիքի անդամների լուսանկարները: Օրվա դասացուցակը, արձանագրման թերթիկները ևս կարելի է տեղադրել ցուցատախտակների վրա:

### Պաշտոնական շփման ձևեր

Ժամանակ առ ժամանակ ցանկալի է հաղորդակցվել ծնողների հետ պաշտոնական , գրաֆիկով նախատեսված հանդիպումների միջոցով :

Տնային այցեր. Երեխաներին և նրանց ընտանիքներին այցելությունները ընդունված են նախադարձական բազում ծրագրերում: Նման այցելությունների հիմնական նպատակն է երեխաների և նրանց ընտանիքների հետ ավելի մոտիկից ծանոթանալ : Երբեմն թե մանկավարժները և թե ընտանիքի անդամները կաշկանդվում են տնային այցի գաղափարից: Սովորաբար երեխաները մեծ խանդավառությամբ են ընդունում իրենց տուն եկած մանկավարժին: Նման այցելությունները պետք է կազմակերպել ընտանիքին հարմար ժամանակ: Նախապես պետք է նշել այցելության նպատակի

մասին , այլապես ընտանիքները կարող են մտավախություն ունենալ, որ այցը վատ լուրի հետ է կապված: Երեխայի նկարած պատկերը կամ մաթեմատիկայի հանձնարարությունը տուն տանելու միջոցով կարելի է ընտանիքի անդամների հետ օգտակար գրույց ունենալ երեխայի ուսումնական հաջողությունների մասին:

### Տղամարդկանց ներգրավումը

Որպես կանոն՝ մանկապարտեզում առաջին իսկ շփումները կատարվում են երեխաների մայրիկների հետ, հայրերը, պապիկները և արական սեռի մյուս բարեկամները մի տեսակ դուրս են մնում հաղորդակցության այս շրջանակից: Մակայն կարևոր է գործադրել ամեն ջանք՝ երեխաների կյանքում նշանակություն ունեցող տղամարդկանց ներգրավելու և երեխաների ուսուցմանը ցանկալի մասնակից դարձնելու ուղղությամբ:

Հայրիկներին մանկապարտեզային կյանք ներգրավելու նպատակով կարելի է՝

- ✓ տղամարդկանց հետաքրքրությունների կողմնորոշմամբ հասուն կ միջոցառումներ կազմակերպել, հրավիրել երեխաներին և նրանց հայրերին
- ✓ փորձել պարզել, թե տղամարդիկ ինչով կցանկանային աջակցել ծրագրին
- ✓ ծրագրել գուտ « տղամարդկային » միջոցառումներ ու հանդիպումներ , ուր նրանք կարող են փոխանակել իրենց մտքերն ու խոսել իրենց երեխաների մասին
- ✓ կազմակերպել սպորտային միջոցառումներ , որտեղ հայրիկները կմրցեն իրենց երեխաների համար՝ փորձելով լինել օգտակար , բերելով թիմին անհրաժեշտ միավորներ

Գաղտնապահություն. Գաղտնապահությունը կարելի է բնորոշել՝ որպես վստահության առկայության պայմաններում ընտանիքի անդամից ստացված տեղեկությունների պահպանում և դրանց հաղորդում մասնագետներին՝ միմիայն ընտանիքի շահերին համապատասխանող կարգով: Երբեմն ծնողները ստիպված են

կոնֆիդենցիալ տեղեկություններ հայտնել երեխայի կամ ընտանիքում տիրող անբարենպաստ իրադրության մասին: Մանկավարժը պատասխանատու է ողջ կոնֆիդենցիալ տեղեկատվության համար , անկախ նրանից , թե ինչ ձևով է այն ստացվել՝ բանավոր, թե գրավոր: Նշված կարգի ինֆորմացիան այլ անձանց տրամադրելուց առաջ մանկավարժը պարտավոր է ստանալ ընտանիքի գրավոր թույլտվությունը: Ընտանիքի անդամներին անհրաժեշտ է հավաստիացնել , որ աշխատակազմը պահպանելու է բանավոր կամ գրավոր տեսքով ընտանիքի անդամներից ստացված բոլոր տեղեկությունների գաղտնիությունը :

## ԳԼՈՒԽ 2. ԾՆՈՂԱԿԱՆ ԿՐԹՈՒԹՅԱՆ ԿԱԶՄԱԿԵՐՊՈՒՄԸ ՄԱՆԿԱՊԱՐՏԵԶՈՒՄ

### ԳՈՐԾՆԱԿԱՆ ՄԱՍ

Մանկապարտեզում ծնողական կրթության կազմակերպման հիմնական նպատակը երեխաների բազմակողմանի աճի և զարգացման վերաբերյալ ծնողներին գիտելիք տալն է: Որպեսզի դա արդյունավետ լինի կազմակերպվել են տնային այցելություններ, առանձնազրույցներ, ստեղծվել է ծնողական անկյուն, որը հնարավորություն է տվել անկաշկանդ հաղորդակցման: Նաև համագործակցության հետաքրքիր եղանակ է վիկտորինա մրցույթների կազմակերպումը, որին յուրաքանչյուր անգամ մասնակից են դառնում ծնողները: Յուրահատուկ կարևորություն է տրվել երեխաների կյանքում նշանակություն ունեցող տղամարդկանց ներգրավելուն և երեխաների յուրաքանչյուր միջոցառմանը ցանկալի մասնակից դաձնելու ուղղությամբ: Ծնողական կրթության անցկացումը մանկապարտեզում մշտական բնույթ է կրում, սակայն երբ այն իրականացվում է նոր՝ ինտերակտիվ մեթոդով, բոլորովին այլ երանգ է ձեռք բերում և նպաստում է ծնողների անկաշկանդ մասնակցությանը: Անցկացրել ենք ծնողական կրթություն հետևյալ թեմայով «Ինչպես օգնել երեխային սթրեսային իրավիճակներում»: Թեմայի ամփոփման ժամանակ կիրառվել են խաղային, նաև համագործակցային մեթոդներ՝ խմբային, ենթախմբային, իսկ ընտանեկան կոնֆլիկտներ թեմայի ժամանակ՝ խաղ բեմականացումներ, որտեղ իրավիճակները առաջարկվել են մեր՝ աշխատակիցների կողմից, իսկ բեմադրվել են ծնողների կողմից: Լավագույն բեմականացման համար լավագույն խմբին տրվել է խրախուսական մրցանակ: Երբ մանկապարտեզում իրականացվում է որևէ միջոցառում, ծնողները հիմնականում լինում են հանդիսատեսի դերում: Բայց այս պարագայում որոշվեց, որ համագործակցությունը պետք է լինի եռակողմ՝ դաստիարակ – երեխա – ծնող: Երբ ծնողը ներգրաված է թե նախապատրաստական, թե հանդեսային բուն գործընթացին և ինքն է բոլորի ուշադրության կենտրոնում, պետք է երգի կամ ասմունքի և դա պետք է անի առանց հուզվելու, միանգամից հասկանում է տվյալ աշխատանքի կարևորությունը և դժվարությունը:

Մշտապես ուշադրություն է դարձվում հայրիկների ներգրավմանը մանկապարտեզում իրականացվող միջոցառումներին, սակայն մեր հասարակության մեջ երեխայի դաստիարակությամբ հիմնականում զբաղվում են մայրիկները, իսկ հայրիկները իրենց գործն են համարում ապահովել ընտանիքի բարեկեցությունը: Կազմակերպված աշխատանքներից ուզում են առանձնացնել բաց պարապմունք «Գիտունիկների ակումբ» - ը , որին ներկա էին խմբի բոլոր երեխաների ծնողները: Ծնողները մեծ ուշադրությամբ էին հետևում պարապմունքի ընթացքին և բացահայտում իրենց իսկ երեխաների ունեցած գիտելիքները: Ծնողների համար անակնկալ ձևով պարապմունքի ամփոփիչ փուլում նրանց առաջադրվեցին տրամաբանական խնդիրներ և գլուխկոտորուկներ: Սկզբում շփոթված, բայց հետո արագ կողմնորոշվելով նրանք կատարեցին իրենց առջև դրված հանձնարարությունը:





Ծնողների ներգրավումը նմանատրպ պարապմունքներին շատ արդյունավետ է: Ծնողները հասկանում են, թե ինչպես է ընթանում պարապմունքը և ինչպես է կազմակերպվում երեխաների առօրյան մանկապարտեզում: Նաև շատ կարևոր է երեխաների և ծնողների հետ համատեղ կազմակերպել էքսկուրսիաներ, որոնք ունեն և ուսուցողական և ճանաչողական նշանակություն: Նպատակն է վերածել կազմակերպված էքսկուրսիան ուսուցողական փորձառության: Նաև խրախուսել ծնողներին երեխաների հետ համատեղ մասնակցելու մասնակցելուն:





Բացօթյա միջավայրը գեղեցիկն ընկալելու հզոր միջոց է: Երեխաները սովորում են իրենց բոլոր զգայրանների միջոցով, վայելում են ծաղիկների բուրմունքը, իրենց դեմքին զգում արևի կենարար ուժը: Իսկ ծնողները բացօթյա միջավայրում իրենց ավելի անկաշկանդ են զգում քան ցանկացած այլ վայրում:

Ծնողական կրթության ծրագրի նպատակներից մեկն էլ ընտանիքի ամրապնդումն է: Այն իրականացվում է կրթադաստիարակչական մի ամբողջ համալիր ծրագրի միջոցով, որն իր մեջ ներառում է հետևյալ աշխատանքները.

- ✓ ծնողներին իրենց երեխային մեծացնելու ջանքերում աջակցության ցուցաբերում,
- ✓ երեխայի զարգացման վերաբերյալ տեղեկատվության ապահովում,
- ✓ ծնողների և երեխայի միջև ավելի արդյունավետ հաղորդատվության ստեղծում,
- ✓ երեխաների աշխարհը ճանաչելու հմտությունների ձևավորում,
- ✓ բնականոն զարգացման , առողջ ապրելակերպի նախադրյալների ստեղծում,
- ✓ ուսումնական փորձառության ձեռքբերում:

Մենք մի տեսակ ուղեկցողի դեր ենք կատարում: Նա, որ երեխաների զարգացման ոլորտում ավելի շատ փորձ ու գիտելիքներ ունի քան ծնողը , պատրաստ է օգնության ձեռք մեկնել վերջիններին ամեն անգամ, երբ հարկ է լինում գտնել այս կամ այն հարցի պատասխանը կամ լուծել կնճռոտ ու խնդրահարույց պրոբլեմներ, քանի որ մեր նպատակը հենց ծնողներին խնդիր լուծելու այնպիսի հիմնական հմտություններ սովորեցնելն է , որոնք հիմնականում կիրառելի են երեխա մեծացնելիս:

Թե ծնողը և թե մանկավարժները ունեն խնդիր՝ անել ամեն ինչ, որպեսզի երեխաները մեծանան երջանիկ, առողջ, կենսուրախ, բազմակողմանի զարգացած անձնավորություններ: Ժամանակակից նախադպրոցական ուսումնական հաստատությունները աշխատում են, որ ծնողների հետ շփումները լինեն հազեցած և հետաքրքիր: Մի կողմից մանկավարժները փորձում են պահպանել ժամանակի կողմից ստուգված լավագույն փորձը, իսկ մյուս կողմից՝ փնտրում են և աշխատում ներդնել նոր, արդյունավետ փոխազդեցության ձևեր իրենց լսաների ընտանիքների հետ, որոնց ազդեցության հիմնական խնդիրը՝ նպաստել մանկապարտեզի և ընտանիքի համագործակցությանը: Փորձը ցույց է տալիս, որ մանկավարժների ու ծնողների ցանկացած համատեղ գործունեություն արդյունավետ է:

Նախադպրոցական ուսումնական հաստատության մանկավարժների խնդիրն է մշտապես համագործակցել ծնողների հետ:

## ԵԶՐԱԿԱՅՈՒԹՅՈՒՆ

Վերլուծելով հետազոտության արդյունքները՝ կարող եմ նշել, որ ծնողների ակտիվ ներգրավվումը մանկապարտեզի գործունեության մեջ նպաստում է նախադպրոցական հաստատության մանկավարժական գործունեության արդյունավետության բարձրացմանը, համագործակցության արդյունքում ծնողը դառնում է դաստիարակի գործընկերը: Բոլոր հանդիպումները, որոնք անցկացվում են մանկապարտեզում՝ սեմինար–պրակտիկումը, միջոցառումներին մասնակցությունը, էքսկուրսիաների կազմակերպումը, մրցույթ – վիկտորինայի իրականացումը միայն ողջունվում է ծնողների կողմից և բոլորը յուրաքանչյուր հանդիպումից հետո պնդում են հաջորդ հանդիպման կայացման համար: Այս ընթացքում՝

- ուսումնասիրվել և գնահատվել են ընտանիքի և նախադպրոցական ուսումնական հաստատության միջև գոյություն ունեցող համագործակցության ձևերը,
- ապահովվել է յուրաքանչյուր ծնողի ակտիվ ներգրավումը մանկապարտեզի մանկավարժական գործընթացին,
- մշակվել և գտնվել են ընտանիքի և մանկապարտեզի համագործակցության այնպիսի միջոցներ, որոնք նպաստում են ծնող – մանկապարտեզ կապի արդյունավետությանը :

Հետազոտական աշխատանքի ընթացքում ծնողները լիարժեք ծանոթացան դաստիարակի կատարած աշխատանքի ծավալներին և կարևորությանը դարձան գործընկեր, մանկավարժի օգնական և աջակից:

## ԳՐԱԿԱՆՈՒԹՅԱՆ ՑԱՆԿ

1. « Նախադպրոցական մանկավարժություն » Ս. Ա. Մարության , Ա.Մ. Դավաթյան /Երևան 2008 /:
2. « Պարտեզ » նախադպրոցական կրթական ծրագիր Ա. Հովհաննիսյան /Երևան 2008/:
3. «Դաստիարակենք միասին » Ա. Հովհաննիսյան /Երևան 2014 /:
4. Դ.Ռ. Փոռուել « Ընտանիքները և վաղ մանկական ծրագրերը » 2011:
5. Т. А . Маркова «Детский сад и семья » /Москва 1981 /
6. Մանկապարտեզի միջին խմբի / 4 - 5 տարեկանների / կրթական համալիր ծրագիր:
7. Մանկապարտեզի կրտսեր 2 – րդ խմբի / 3 – 4 տարեկանների / կրթական համալիր ծրագիր:
8. Ծնողական կրթություն / Երևան 2005

